



Qvadripartitae Conciones Stanislai Grodicii Societatis Iesv

Qvarum Primae, Timorem Sanctvm Incvtiunt; secundae Fidem Catholicam confirmant; tertiae Spem erigunt; postremae diuinam in nobis Charitatem excitant ...

Continet sex Dominicas Quadragesimae, & coenam cum paßione Domini

Grodzicki, Stanisław

Ingolstadii, 1609

Præfatio Ad Lectorem.

Nutzungsbedingungen

[urn:nbn:de:hbz:466:1-56003](https://nbn-resolving.org/urn:nbn:de:hbz:466:1-56003)



PRÆFATIO
AD LECTO-
REM.

Tertium concionum mearum
emitto tibi tomum lector
benevole, diutius quidem
pressum, non tamen suppres-
sum; quorum illud tum natura ingenij
mei, tum Typographi cuiusdam nescio
qua pratensa licentia, hoc diuina bonitas
& superiorum facultas effecit. Ad ipsas
conciones quod attinet, ea prioribus non
sunt absimiles. Vnum tantum additum,
& alterum est immutatum. Cum enim
hucusq; solas tantum Dominicas dare ti-
bi soliti fuerimus, in tomo isto sex illis que
in Quadragesimam incidunt, tum cæ-

PRÆFATIO.

nam : tum passionem domini nostri Iesu
Christi adiunximus , ut & petitioni
quorundam, & consuetudini harum par-
tium satisfaceremus : quod & tibi haud
ingratum fore speramus. Mutauimus ve-
rò solitam methodum in tractanda pas-
sione domini. Nam contra hereticos, nul-
lam hic peculiarem instituimus concio-
nem, in decursu tantum orationis qua-
dam eaq; paucissima attulimus. Ceterum
duplici alia via eam aggressi sumus. Ea-
rum prior unum; posterior tres continet
sermones. Illa historia ex omnibus qua-
tuor Euangelistis concinata innititur, hæ-
c tractantur methodo. Prior tam est
prolixa, ut facile quatuor aliis responde-
re & equari queat. Nec mirum, explicat
enim totam eamq; benè longam passionis
Christi Iesu historiam, & non solum sacri
contextus omnia (quantum in nobis fuit)
tollit dubia, sed etiam, tū hinc & inde va-
riis ad mores pertinentib. aspergitur do-
ctrinis tū motus ciet sed breuiter, neq; ex
professo: tum imitationē virtutum Christi
Iesu diligenter inculcat. Hic enim est al-
ter

PRÆFATIO.

ter huius concionis scopus. Proinde præter
 ea quæ circa explicationem literæ hac in
 parte occurrebant, sub finem dictionis,
 meditandi hoc sine passionem Christi nor-
 mam quamdam tradidimus. Porro hic sa-
 cram historiam populo proponendi modus
 sicut plebi est acceptissimus: ita præci-
 puam affert utilitatem. Propterea si cui
 vires & latera suppetunt apud vulgus
 est exercendus. Sed utendum modera-
 tione; tum vocis ut durare valeas; tum
 materie ut aliquando finias. Idcirco ex
 iis quæ dedimus ea quæ ad explicationem
 contextus, & concordiam Evangelista-
 rum pertinent, aut succincte notari aut
 penitus omitti: assumi autem aliqua ex a-
 liis concionibus ad commouendos affectus
 poterunt; quod & nos observare soliti su-
 mus. Hac de prima. Reliquæ verò concio-
 nes ista habent. Primo breuiores sunt, &
 ut dixi methodicæ, quorum illud delica-
 tioribus auditoribus, quales plerunque
 esse solent Magnates, fauebit: hoc memo-
 riam iuuabit. Secundo singulæ earum ad
 peculiarem affectum in auditoribus com-

PRÆFATIO.

monendum sunt ordinatæ. Id tamen ita
 obserues velim, ut in referto auditorio ex
 diuersis auscultantium generibus colle-
 cto, unicuique suum non desit pabulum;
 præsertim verò obstinatoribus, qui cum
 aliàs negligant tali tamen die ventitare
 solent ad concionem: ideo ex singulis
 quas posuimus aliquid decerpssisse iu-
 uabit. Nos verò ordinis conseruan-
 di gratia, materias non discerpendas
 sed singillatim esse tractandas iudica-
 uimus. Tertio dedimus operam ut in
 singulis quidem concionibus historiam
 passionis Christi percurreremus, vel
 tangeremus potius, in iis solummodo
 immorando, qua ad scopum concioni
 illi præstitutum collimabant. Postre-
 mò singulis istis tribus sermonibus the-
 ma aliquod ex ipso Euangelio deprom-
 ptum, & emphasis causa in vocula E-
 C-
 CE fundatum breuissimum duobus tan-
 tum vel tribus verbis constans, præsi-
 gendum curauimus. Tum ut iis qui
 thematibus delectantur morem gerere-
 mus: Tum ut orator habeat quo colli-
 met,

PRÆFATIO.

met. Sunt enim ea ni ego fallor fini
 destinato consentanea & conuenien-
 tia. Fines autem isti sunt tres prima-
 rij: nempe contritio siue dolor de pec-
 catis pro impænitentibus, vt ad Deum
 conuerti incipiant: Compassio siue com-
 miseratio, pro iis qui in virtutibus
 progrediuntur: & admiratio charita-
 tem generans vel ex charitate proce-
 dens, quam Augustinus vno verbo com-
 punctionem vocat, qua tamen in scri-
 ptura plerumque ad dolorem refertur.
 Contritioni seruit concio, qua est in or-
 dine quidem secunda ex breuioribus ve-
 rò prima: habetque pro themate tria illa
 verba Pilati ad Iudeos: ECCE REX VE-
 STER: qua à nobis tum eisdem Iudeis:
 tum Christianis, in primis verò obstinatis
 applicantur. Compassioni seruit tertia,
 qua duo themata gerit, vtrumque ex o-
 re Christi Iesu in cruce pendentis proce-
 dens. Alterum ad matrem ECCE FILIVS
 TVVS. quod eidem quidem beatissima vir-
 gini adaptatur: sed non de Ioanne, verum
 de ipso Iesu intelligitur. Alterum

PRÆFATIO.

dictum est ECCE MATER TVA
 istud nos de ipso Christo intellectum no-
 bismetipsis accommodamus. ac si uni-
 cuique nostrum diceretur. ECCE MA-
 TER TVA CHRISTVS IESVS,
 te summis cum doloribus parturiens
 & instruens: compatiaris igitur & an-
 dias illum. Ultima denique duo illa
 verba Pilati ECCE HOMO proposui-
 mus, eaq. primum quidem ad Deum pa-
 trem admirationis & flectendæ ipsius mi-
 sericordiæ causa: deinde ad nos charitatis
 & gratitudinis in nobis excitandæ gratia
 direximus. Postremò notandum est nos in
 calce non solum primæ, de qua iam dixi-
 mus, sed etiam reliquarum concionum
 apposuisse puncta quædam brevissima pro
 passione Christi, ad eum quem præscriptis
 habent scopum apta & idonea: id verò eo
 fine fecimus, ut quod in nostris deest con-
 cionibus (deest autem plurimum) à deuot-
 tis & diligentibus diuina huius historia
 contemplatoribus suppleri queat. Hæc
 sunt quæ como isti præmittenda esse vide-
 bantur.

PRÆFATIO.

bantur. Reliquum est, ut sicut aliàs, ita
nunc iterum iterumq; me orationibus
tuis pie lector commendem, quod etiam
atque etiam facio: ut si ad maiorem
est Christi Iesu gloriam, qui dedit &
velle & hac elaborare: det continuare
ac perficere ad laudem nominis sui
sanctissimi tuumque emolu-
mentum.

